

Script of Morning Gojri News Bulletin 26 November 2024 at 1015Hrs

ما رنینگ گو جری نیوز بلیٹن مورخہ 26 نومبر 2024

یوہ آکاشوانی جموں بے عبید الرحمن تیں خبر سنو۔

LG Sinha

لیفٹنٹ گو رنر منوج سنہا نے گزشتہ روز جموں مانہ توئی دریا ور تعمیر ہو رہیا پروجیکٹ غو تفصیلی جائزو لیو ہے۔ اس دوران موصوف نے موقعہ ور جا غے پورا تعمیراتی کم کاج غو جائزو لیو اور متعلقہ افسران نانہ ہدایت جاری کی ہے کہ وے مذکو رہ پروجیکٹ نانہ ویلے سر مکمل کریں۔ ذرائع ابلاغ نال گل کرتاں واں موصوف نے کہیو کہ جموں سمارٹ سیٹی پروجیکٹ غے تحت اس پروجیکٹ غو پہلا مرحلہ غو کم سال 2025 غا جنوری تک مکمل ہون غی امید ہے۔ اور اس پروجیکٹ غا مکمل ہون نال جموں غے اندر سیاحت نانہ باندو ملے گو۔ اس تیں علا وہ سیاحت نانہ بدھان خاطر جموں مانہ کئی دوجا پروجیکٹاں ور وی کم جا ری ہے۔ جن مانہ جامبھو چڑیا گھر تے کئی دوجا پروجیکٹ شامل ہیں۔ ان پروجیکٹاں مانہ کجھ پروجیکٹ مکمل کر لیا گیا ہیں تے باقی پروجیکٹاں ور تیزی نال کم چل رہیو ہے۔

Constitution Day

قوم اج آئینی تہاڑو منا رہی ہے۔ اس ضمن مانہ سرکار نے اپنو آئین اپنایا جان غا 75 سال مکمل ہون ور اج تیں پورا سال واسطے خوشی منان غو اعلان کیو ہے۔ اس سال آئین اپنا یاجان غی 75 ویں سالگراہ ہے اور پورا ملک غے اندر پورا سال یعنی 26 نومبر 2025 تک تقریبات تے خوشی غو اظہار کیو جائے گو۔ واضع رہ جے سال 1949 مانہ اج غے تہاڑے بھارتیہ قانون ساز اسمبلی نے بھارتیہ آئین نانہ اپنایو تھو اور 26 جنوری 1950 غے روز اس نانہ لاگو کر دتو گیو تھو۔ اس موقعہ ور اج نوی دہلی گا ”سمودھان سدھن“ مانہ اک بڑی تقریب منعقد کرائی جا رہی ہے۔ جس مانہ صدر جمہوریہ درویدی مرمو پارلیمنٹ غا 28واں ایواناں غی ممبران نال خطاب کریں گی۔ اس موقعہ ور نائب صدر جمہوریہ جگدیپ دھنکڑ، وزیر اعظم نریندر مودی تے لوک سیہا سپیکر اوم برلا وی موجود دریں گا۔ اس تیں علا وہ مرکزی وزراء، ممبر پارلیمنٹ تے دہلی مانہ دیگر کئی اعلیٰ افسران وی اس تقریب غو حصو بنیں گا۔ اس موقعہ ور اک یاد گا ری مہرتے سکو وی جاری کیو جائے گو۔

Constitution Day PM

وزیر اعظم نریندر مودی اج شام آئینی تہاڑہ غا موقعہ ور عدالت عظمیٰ مانہ منعقد ہون آلی تقریب مانہ شامل وین گا۔ اس موقعہ ور وے خطاب وی کریں گا اور یوہ پروگرام عدالت عظمیٰ غی طرفوں منعقد کرایو جائے گو۔ وزیر اعظم اس تقریب غے دوران بھارتیہ عدلیہ غی سال 2023/24 غی سالانہ رپورٹ وی جاری کریں گا۔ اس موقعہ ور مرکزی وزیر قانون ارجن رام میگوال، بھارت غا چیف جسٹس سنجیو کھنہ تے عدالت عظمیٰ غا دیگر جج وی اس تقریب مانہ شامل وین گا۔

Javed Rana Forest

جموں کشمیر مانہہ جل شکتی، جنگلات، ماحولیات اور قبائلی امور کا وزیر جاوید احمد رانا نے آلو دگی کنٹرول بورڈ کا چیرمین نال اک تفصیلی جائزہ میٹنگ کے دوران جموں کشمیر مانہہ ماحولیاتی تحفظ متعلق سنگین معاملات اور تبادلہ خیال کیو ہے۔ اس میٹنگ کے دوران سازگار ترقی نانہہ یقینی بنایا جان اور علاقہ کے اندر ماحولیات متعلق للکاراں غی نشاندہی تے موثر منصوبہ سازی اور زور پایو گیو۔ اس دوران وزیر موصوف نے ماحول کے متعلق کئی خدشہ ظاہر کیا۔ جن مانہہ کئی لوہکی صنعتاں کا بغیر آلو دگی ختم کرن آلا اقدامات تیں قائم کر لینو وغیرہ شامل ہے۔ موصوف نے اس طرز کا صنعت کاراں نانہہ وی ہدایت کی ہے کہ وے ماحولیاتی تحفظ نانہہ یقینی بناویں اور آلو دگی کنٹرول بورڈ غی طرفوں جا ری ضابطاں اور عمل کریں۔ اس تیں علاوہ وزیر موصوف نے ماحولیاتی آلو دگی نانہہ کہت کرن خاطر بیداری کیمپاں کا انعقاد اور وی زور پایو۔

Rana Pollution

جل شکتی، جنگلات، ماحولیات تے قبائلی امور کا وزیر جاوید احمد رانا نے گذشتہ روز جنگلات محکمہ کا اعلیٰ افسران نال ہونی میٹنگ غی صدارت کی جس دوران کئی ترقیاتی منصوباں تے دیگر معاملات اور تبادلہ خیال کیو گیو۔ اس دوران جنگلات کا پرنسپل چیف کنزرویٹر، کیمپاں سی ای او تے ریاستی جنگلات کا ریو ریشن کا کئی اعلیٰ افسر وی موجود تھا۔ وزیر موصوف نے کئی سنگین معاملات اور تبادلہ خیال کیو اور بکھ بکھ محکماں بشکار آپسی تال میل اور وی زور پایو۔ اس دوران محکمہ کے اندر کم کاج نانہہ مزید بہتر بنان واسطے مزید اسامی کڈیا جان اور مزید پہرتیاں اور وی گل بات ہوئی۔ موصوف نے شہری علاقوں کے اندر ماحولیاتی تحفظ واسطے ون زنگر قائم کرن اور کالی دھار علاقہ کے اندر دوبارہ تیں شجر کاری مہم شروع کرن اور وی تبادلہ خیال کیو ہے۔

IPL Auction

آئی پی ایل 2025 بولی مانہہ جموں کشمیر کا 4 کھلاڑیاں نانہہ بکھ بکھ ٹیماں نے بولی کے دوران خریدلیو ہے۔ آکاشوانی جموں کا نمائندہ نے خبر دتی ہے جے جموں کشمیر کا کل 14 کھلاڑی اس بولی واسطے نامزد تھا۔ جن وچوں 4 کھلاڑی خرید لیا گیا ہیں۔ کلگام کا کھلاڑی راسک سلام نانہہ رائل چلنجرز بنگلور نے 6 کروڑ مانہہ خریدیو۔ جموں کا عبدالصمد نانہہ 4 عشاریہ 2 کروڑ مانہہ لکھنؤ سپر جینٹس نے خریدیو ہے، یڈ ویر سنگھ نانہہ 3 لکھ روپیاں مانہہ آر سی بی نے خریدیو تے تیز گیند باز عمران ملک نانہہ کولکتہ نائٹ رائڈرز نے 75 لکھ روپیاں مانہہ خریدیو ہے۔

Chief Secretary

چیف سیکریٹری اتل ڈلو نے کہیو ہے جے جموں کشمیر غی ثقافت تے روایت عوام نانہہ جوڑن مانہہ اہم کردار ادا کرے۔ ابھونو تھیٹر مانہہ اک تقریب کا انعقاد کے دوران موصوف نے نوجوان نسل نانہہ ہدایت کی کہ وے اس طرح کا پروگراماں مانہہ شرکت کریں اور اپنی قدیم روایت نانہہ دیکھیں۔ اس ضمن مانہہ موصوف نے ثقافت نانہہ بچان اور زور پایو اور اس نال سیاحت کا بار بدھ اور وی تبادلہ خیال کیو۔
